

FELODIPINE

fel-oh-di-peen

He aha te mahi?

Whakamahia ai te *felodipine* hei whakamaimoa i te toto pōrutu me te uma tino mamae mā te whakangohe i ngā ia toto.

Me pēhea te kai?

Me kai te *felodipine* e ai ki ngā tohutohu me tētahi inu wai. Horopukuna ngā pire.

Ka aha mēnā ka wareware i a koe tētahi horopeta te kai?

Me wawe tonu te kai i te horopeta. Mēnā he tata ki te wā mō tō horopeta whai ake, me waiho noa te mea kua tāhapa, ā, ka haere tonu anō. Kaua rawa e kai i ngā horopeta e rua i te wā kotahi.

Ka taea anō e koe ētahi atu rongoā te kai?

Ka tukituki pea ētahi rongoā ehara i te ota rongoā ki te *felodipine*, pērā i ēnei:

- ngā pire ārai-whakakakā, pērā i te diclofenac (hei tauira, Voltaren®), ibuprofen (hei tauira, Nurofen®), aspirin rānei (hei tauira, Disprin®, kei ngā horopeta whakamauru mamae). Ka kitea ēnei i roto i ētahi rongoā rewharewha me te whurū (hei tauira, Nurofen Cold me te Flu®)

Me kōrero atu ki tō kaitaka rongoā, rata rānei mō ngā rongoā katoa, whakamaimoatanga rānei e whiwhi ana koe, tae atu ki ngā huaora, ngā hua otaota (hei tauira, St John's wort), ngā whakapōauau rānei.

He aha ngā hua kino ka rongo pea koe?

Ngā Hua Kino	Tūtohutanga hei whai
Hēmanawa Ka rerekē te kapa manawa Ngā pūniho whakarahi ake, mamae, toto rānei	Me kōrero atu ki tō rata
Uraura Ānini māhunga, pōātinitini, ngenge, ngoikore rānei Mamae uaua, uauawhiti Ka pupuhi ngā waewae Ka mamae te puku Ka rerekē te taihemahema	Me kōrero atu ki tō rata mēnā kei te mamae

Ki te pā mai ētahi atu hua kino, me kōrero atu ki tō rata, kaitaka rongoā rānei.

Ētahi atu mōhiohio:

- Me kōrero atu ki tō rata mēnā he mate tākihi, ate, tētahi atu mate manawa rānei tōu.
- Me kōrero atu ki tō rata mēnā kei te hapū koe, kei te whai rānei koe kia hapū koe, kei te whāngaiū rānei.
- Ka tukituki pea te huakerepe, wai huakerepe rānei, ārani kawa/Seville rānei ki te *felodipine*. Me kōrero ki tō kaitaka rongoā.
- Kaua rawa e mutu te kai *felodipine*, me kōrero ki tō rata i te tuatahi.